

SERENISSIMO GALLIARVM 7  
DELPHINO  
LVDOVICI XIV.

REGIS CHRISTIANISSIMI

FILIO

34-6-G-24  
GENETHLIACON:


DICTVM IN AVLA COLLEGII ROMANI  
AVCTORE IOANNE LAVRENTIO LUGCHESINIO  
Lucensi è Societate IESV.



SERENISSIMO GALLIARVM  
 DELPHINO  
 LADOVICI XIV.  
 REGIS CHRISTIANISSIMI  
 FILIO

GENETHLIACON.  
 DICTVM IN VNICA COLLEGI ROMANVM  
 VCTORE IOHANNES LAVRENTIO LAVCHESINIO  
 Lucell & Socijate 1657.





EMINENTISSIMO PRINCIPI

**A N T O N I O**  
**C A R D . B A R B E R I N O**

**S . R . E . C A M E R A R I O**  
**I O A N N E S L A V R E N T I V S L V C C H E S I N I V S**  
**F E L I C .**



**R**EGALI solum ab argumen-  
to commendatum hoc Gene-  
thliacon Tuo iussu prodit in lu-  
cem, Eminentissime Princeps, qui Apol-  
lo dicenti adfuisti, Tuoque nunc No-

mine carminibus hisce præfixo lucem il-  
lis impertiris, quemadmodum sol nubes  
intuitus, induit sua luce Parælias. Erudi-  
tum Sapientissimus Princeps Delphino  
excitas plausum, vt idem Religiosissi-  
mus, ob exortam præproperè cum Re-  
gia Ludouici prole Mundi lætitiā, quin-  
quaginta Virginibus dotem, innumeris  
egenis argentum, Eucharisticon Numini  
repoluisti. Sed Munificentia Regibus par-  
quibus gaudij argumentis excepisti Re-  
galem partum? Prodigia liberalitatis Tuæ  
Roma suspexit, cum auream è Tuis Aedi-  
bus deuolutam pluuiam, manantes Gal-  
lico vino fontes, impositam Pincio colli  
Dædaleam Aetnam ludicris ignibus mirè  
fœcundam, & ab illius dehiscents incen-  
dio haustum Discordiæ simulacrum vi-  
dit, reuocata in animum lætitiā Pacis,  
olim

olim partæ à spe nascituri Delphini: Et  
ipsa quidem cum Hymenæo Pax insidens  
moli tam ingenti vi luminum Delphi-  
num coronabat, vt æmula diurnæ lucis  
nocte gaudia sit Roma, & Luna pudore  
suffusa, quòd suos radios æmularetur Tel-  
lus, sub nubem recesserit, ne superari à  
Delphini Solis luce videretur: in quam  
extemporale carmen effudimus, conse-  
quenti mane publicè habitum, aperto  
nobis Hippocrenes fonte ab Apolline,  
Te scilicet, Eminentissime Princeps,  
quem adeo commendare gestiunt Musæ,  
vt vel nobis carmina supersint, postquam  
innumeri scriptorum calami alacriter de-  
sudarunt, vt promeritis Te ad Cælum  
lâudibus efferrent. Tot enimuero volu-  
mina Tuo inscripta Nomini quæsiuere  
superbiam, vt si in vnum confluerent,  
in-

ingens ex ijs tantummodò Antonia Bi-  
blioteca conflaretur; Cum enim in dies  
gestum faciat in mundi Theatro Virtus  
Tua certans cum Regibus, omnium com-  
mendationes laceffit Magnanimitas illa,  
Humanitas, Pietas, Liberalitas, vel in ip-  
sos Reges Munificentia. At Genethlia-  
con Delphini à Tua Purpura cogitur  
mutuari splendorem, cum amicissimum  
Gallico Soli Sidus Te Roma veneretur,  
& Regale Argumentum sub auspicijs  
Illius prodire gestit in lucem, quem Re-  
gibus virtus immiscet. Phœnicis annos  
Tibi largiatur Deus, vt diutissimè Ro-  
ma suis delicijs perfruatur, Tuamque  
fortunam amplificet, quæ dum Tua est,  
omnium quoque fortuna est.



# PROLVISIO.




ALLICI Delphini exortus, Eminen: PP. adeo mortales exilarauit, ut ab unius Infantis vita omnium fata pendere videretur, & conqueri prope modum debeat Gallia, quod externa argumenta letitia superare vix possit. Arion huic Delphino debebat, sed nostram tenuem Masam promouit ad tantum, ut Solem se ostenderet, lapides animando. Cum autem ea die Sol hic nobis affluerit, qua festum triumphum ducebant Beati Cives, nosque illorum omnium solemnia recelebamus, ac dum consilia sacri Fœderis agitantur, paruulus hic Alcides in lucem prodierit, ansam præbuit Mortalibus immiscendi Sidercos Reges, in quorum Concilio consulentium de fœdere conflando contra Turcas, S: Albertus Archidux Austria offerit has partes esse S: Ludouici Galliarum Regis, utpote qui Proauus est Regum, & Principum omnium, qui Christianam nunc Rempublicam moderantur. Ille verò seicem rei exitum spondet, si filius Iuueni Gallie Regi nascatur. Quod tunc decreuit Vrba Diuorum, Specta præcipimus post Ortum Infantem, cuius nuncius quadraginta aureorum millibus, & oblato milite Venetos in Thracas armauit. Quamuis olim Præsidi Natalium Deo cruenta victima non placerent, gratissima Numini accident innumera Turcarum, Hecatombæ in gratiam exorti Delphini à Patre Rege immolanda, cui propter Calum præciosam Filij vitam millenis alijs cariorum donauit, ob innumeras ætates militum suorum, quibus, Pace stabilita, pepercit. Postquam Numinis decretum Delphinum Gallis indulgisset, illoque comperto sidercus Delphinus eboreas duxit astro-rum, quæstio surgit amabilis de futura indole pueri, quam dum unusquisque Diuorum Regj virtutibus adornare contendit: quodammodo incogitanter delineat mores Ludouici XIV. quibus Regia Proles insistas. Adeo Rex Optimus virtutem in delicijs habet, ut in illam intendere obtutum nemo possit, qui non incurras in imaginem Ludouici, Diuorum quoque plausus promeriti. Demum prodigia quam plurima, que nuper acciderunt, ad omen huius felicitissimi partus Poeticè detorquentur.

IOANNES PAVLVS OLIVA SOCIETATIS IESV  
Vicarius Generalis .

**C**vm Tria Poemata Ioannis Laurentij Lucchesinij nostræ So-  
cietatis Religiosi, ij, quibus censendum commisimus, re-  
uiderint, & in lucem edi posse probauerint, potestatem faci-  
mus, vt typis mandetur, si ijs, ad quos pertinet, ita videbitur,  
cuius rei gratia has literas manu nostra subscriptas, sigilloque  
nostro munitas damus. Romæ 5. Maij 1662.


*Ioan: Paulus Oliva.*



*Imprimatur.*


Si videbitur Reuerendissimo Patri Magistro Sacri Palatii Apo-  
stolici.

*O. Archiep. Patracens.*



*Imprimatur.*

Fr. Seraphinus Bertolinus Magister, & Socius Reuerendissimi  
Patris Mag. Sacri Palatii Apost. Ord. Præd.





# DELPHINO

LVDOVICI DECIMI QVARTI

GALLIARVM REGIS CHRISTIANISSIMI

FILIO

GENETHLIACON



ERA ne festivo tuba concinit aurea cantu?

Ludimur, an superi manibus dant lilia, plenis

Blanditi nimium terris? cur prodiga differa

Munera fatorum, manifesta q, gaudia, mundi

Excipere exultans animus? nimis astra tueretur

Lumine nos fausto: Charites cur agmine facto

Huc properant? mores remanent, cur sacra nouantur?

Ferrea gens viuit, sedulumque superbiat iuro?

Obruimur donis: hilarat Pax aurea terras

Christiadum Pax Odrifios armatur in hostes

Gallicus exortu DELPHINVS recreat orbem

Implet, io! teneris infans vagitibus, auras

Quemque serenato pax candida suscipit ore

Nuptie in excidium Thracuro: Thaumantias Ibis

Haud aliter flectit, pacem qui denotat, arcum

Ex-

B

Ex-

Excepere Patrem cunabula sparsa trophaeis.  
 Reptauit per celsa pueri, & typeoque virilis  
 Posthabuit cunas infantia; Bellicus ardor  
 Hoc tamen auctore in cineres confudit. **Alanus**  
 Tu pacis sacros ne despice Martis amores.  
 Vagitum trepidant Thraces, maculisque notatur  
 Cynthia Bistonidum, Gallis dum fulget Apollo.  
 Armorum studium cum fortior hauserit ætas,  
 Hastis inserta, atque hostili educta cruore,  
 Gallica Iessæis florebut lilia campis.  
 Iam Libanus Cedros, palmas tibi nutrit Idume,  
 Maternis post bellum Aquilis paritura quietem.  
 En timidus Hebrus placidus perlabitur vndis,  
 Stare cadaueribus metuens, & crescere flactu  
 Sanguineo: en ortum Herois denunciat vndis  
 Hellepontiacis, quæis naufragus incubat horror.  
 Accur, delictam mundi, properauerit infans,  
 Aurea magnanimus, qui seruet sæcula Gallis,  
 Maternam expediens faustis natalibus alium,  
 Dicite Cælicolæ, neque enim sine Numine vestro,  
 Annua dum festa celebrans solemnia luce,  
 Communes Tellus Diuis gratatur honores,  
 Optatus Diuis, ac Terris nascitur infans,  
 Et vindex oritur fides, quæ prælia miscet,  
 Agmina festiui ducunt dum vestra triumphum.  
 Vos mihi Pierios, Diui, fas pandere fontes,  
 Vos immortales laurus, quæis lilia nec tam  
 Huc è sidereis largè properare viretis.  
 Tu quoque magnanime **ANTONI**, quem Rogibus æquat  
 Purpura, Regalesque animi, qui nomen ad astra

Euc-

Emin. Card.  
Antonius Bar-  
berinus Di-  
centi aderat  
Auctori.

Euehis, & factis imple Regalibus Orbem,  
O decus Italiae, quo sidere gaudet amico  
Rector Sequanici Caeli, tu lumine blando  
Huc ades, & facilis iuuenilibus annue Musis.  
To Pindi celebrare ambit chorus, ut sua Mundo,  
Quæ natus peperit Delphinus, gaudia pandat.  
Nos rapit ad cantum nox inuidiosa diei,  
Innumeris flammis animata, argenteus imber,  
Ludicra per pictas ruitura incendia turres,  
Lætitiæ argumenta tuæ, ac plaudentis amoris.

Quæ Martis grato sidus terrore coruscat,  
Panditur Heroum regalis curia Diuum,  
Regnati quibus Orbis onus non prefferat ignes  
Magnanimos, cordis, superum sed sponte minores  
Principe dum dicunt sese, post funera Regnum  
Ditius accipiunt, mundi qui torquet habenas,  
Hos Deus Imperij ad partem vocat: Ergo regendis,  
Impositi terris ad Martia testa frequentes,  
Conueniunt, cum poscit opem bellantis Olympi  
Relligio, armorum furij, agitata profanis,  
Hic arcus, ac tela rigent, quibus ætus ab astris  
Lucifer, hic rutilant clauces, quibus Ostia Celi  
Æquorco mundummersurus funore vindex,  
Explicuit Deus, hic fulmen fatale superbis,  
Postibus his aries pendet, pondusque tridentis  
Cernitur immane, vltoris quibus ira Tonantis  
Fundamenta quatit telluris, & æquoris vndas  
Suscitat: hic, clypei non enarrabile textum,  
Ordine distinctum triplici, namque extimus astris  
Sapphiro nitet intextis, cristallinus ictus

Excludit, pestemque, pijs quam intentat Avernus,  
 Tertius at radiat gyrys flamman te Pyropo,  
 Proripit ac terror sese ex vmbone vomentem  
 Ore faces, vasta & referentem mole Gigantem,  
 Nunc equitum, peditumque acies effulgere credas  
 Fallacis campo clypei, nunc feruere clasles  
 Oceanum supra: illudant sic astra rebelles  
 Numinis, haud veritos in Coelum bella mouere  
 Fulminei hec celebrant armamentaria Coeli  
 Purpurei Heroës, quos inter amabilis ore,  
 Diuinum spirans oculis regalibus ignem,  
 Lilia cui clamidem spargunt certantia soli,  
 Gallorum Ludouicus amor, sic ora resoluit  
 Siderci Proceres, quia nam sententia Regum  
 Ancipiti dudum librata examine pendet?  
 Foedera quid cessant? cur pax ignaua veterno  
 Christiadas tumulat, belli paritura ruinas?  
 Fraternas iterum clades, palmasque sitimus  
 Victori flendas? iterum ferale cruentus,  
 O superi, patrijs epulabitur artubus ensis?  
 An pia Relligio bustis affusa suorum  
 Ore leget maternam animam, sua vulnera certa  
 Illacrimans, dubij tulerint que fata Gradiui?  
 Gallorum haud equidem vis feruida desidis  
 Succumbet studijs. Faciet belli impetus hostes,  
 Extera si desint, in matris viscera ferrum  
 Conuertet furialis amor seua arma mouendi  
 Nec luet Odrisius raptor, que dira minatur,  
 Capta Varadini post moenia: ducere currus  
 Italiam versus, mediaque equitare Vienna?

Sola ne multiplices Aquila indignata colubros  
 Inuadet, nec aues Reginam ad bella sequentur?  
 Pugnares Venetum percurrunt æquora classes,  
 Nec properant alij Regni immortalis amore  
 Purpuream vomuisse animam? Mea lilia campis  
 Debentur Solymę: morituro lapsus ab astris  
 Sic mihi fidereus de Numine detulit ales,  
 Æstuat ignitis Lybię quā littus arenis.  
 Tabida cum fractos febris depasceret artus,  
 Et duo natorum post funera, vestra subirem  
 Hospitia, ingentes animę: non est mea tanti,  
 Dicebam, virtus, vt spinea ferta coronent  
 Me Solymę Regem, vt dissoluam Numinis vnam.  
 Coniurata lues in me pugnavit; at ipsos  
 Soluere victores victis vectigal adegi,  
 Ne premere vltcrius vellem: trepidantibus instā;  
 Quicumque è nostro deduces semine vitam;  
 Emicat in venis cruor, & dum nobilis ira  
 Rursus ad arma vocat, vix astra quieta placetis:  
 Vos ego purpurea gestirem morte pacisci.  
 Sed blandita oculis tunc mortis fulsit imago,  
 Et curas adimunt dubias mandata Tonantis,  
 Exorere at nostro de puluere bellicus ardor,  
 Qui face Memetis prolem, ferroque sequutus  
 Inferias proavis soluas, & munera Cælo.  
 Nunc, olim rapite arma manu: quis cęde Tyranni,  
 Excidio Saracenum quis consecrat iram?  
 Talibus orabam, iuuenis cum fulsit ab astris  
 Numinis interpres, nostraque è gente futurum  
 Dixit, ad aurorę Imperium qui sacra latinæ



Inuheret fidei, sceptroque potitus, auribus  
 Reliquias Thracum sese abdere, cogeret, antea  
 Nunc impune volant, nec profunt aurea Pacis  
 Munera, communes ut pax armetur in hostes?  
 Arma, io! superi: placeant si fœdera Diuis,  
 Thracis in excidium miscebunt agmina Reges.  
 Dixerat: vnanimis Diui assensere; sed instat  
 Fatorum series libranda, ut fœderis ardor  
 Regia amabilibus succendat pectora flammis.  
 Austriadum hic Regum soboles Augusta, Trionum  
 Gloria, de solio quem virtus intulit astris,  
 Excipit Albertus: tua sunt hæc munera, Regum  
 Communis, Ludouice, Parens: tu fœderis auctor  
 Corripe natorum cor sacri Martis amore.

S. Ludouicus  
 Proauus est  
 Regum, &  
 Principum  
 omnium, qui  
 Christianis  
 Regnis præ-  
 sunt.

Nam qui non vestro fluxerunt fonte nepotes,  
 Christiadum Reges qui nunc moderantur habenas?  
 Valesios postquam terris inuidit Olympus,  
 Gallia Borbonijs paret: tuus his dedit ortum  
 Regalem natus, sorte, haud virtute secundus.  
 At mea de vestra quantum Austria stirpe superbit,  
 Valesijs regum socijs in regna receptis?  
 Hinc adeo tua Germanis dat iura propago,  
 Et nutu regit Hispanos, & qui sua iactat  
 Austriadum sobolem venisse in Regna maritas,  
 Te quoque iactat auum: Imperij sic rector Hetrusci,  
 Quicumque Ausonias & Princeps temperat Vrbes,  
 Germina sunt Diuini: sunt & sua dona Polonis,  
 Sunt Anglis; per mille fuit sic flumina ductus  
 Nunc sanguis, Ludouice, tuus, quem prodigus astris  
 Donasti, gemina viduatus prole: profundi

Regina Hadriaci Gallos contingit amore  
 Patritijs gauisa suis adiungere Reges.  
 Proximus at Cœlo Princeps tua Regna paternis  
 Stringit ALEXANDER studijs, iuuenisque senilos  
 Miratus Regis curas, mentemque tenacem  
 Iustitiæ, ac Fidei, reuocataque munera Pacis,  
 Amplexu fouet indulgens. Tu Regibus arma  
 Persuade, soboles Patris mandata capeffet.  
 At freni indociles gentes tibi fœderis auctor  
 Conciliabit amor, laudumque exempla tuarum,  
 Bella Palestinæ calcar currentibus addent  
 Hęc ubi plaudenti exceperunt murmure Diui,  
 Contra hilaris repetit Ludouicus. Præmia facti  
 Sit licet ipsa sibi virtus, & victor honorem  
 Post palmam referat, nobis properata laboris  
 Arridet merces: optata prole parentem  
 Florea regalem iuuenem si fecerit ætas,  
 Fœderis in partem sese præeuntibus addet  
 Gallorum Princeps, tardos prior ipse præbit.  
 Speratos pacis studio si sponte triumphos  
 Posthabuit, spernens nutritas sanguine laurus,  
 Sanguine Christiadam, generosi Martis amorem  
 Infundet Patri soboles, Puerilia bellum  
 Oscula, & amplexus producent funera Thracum.  
 An Solymæ sponsam nato pater inuidet Urbem?  
 Nec data fatorum imperio sibi regna tuctur?  
 Quin potius proli cupidus protendere fines  
 Auroram quatiet: paruus cum ludet in aula  
 Se referens natus, regni cui tradat habenas,  
 Inuida si lauros mutet Libitina cupressis,

Ad bellum Alcides inuento curret Atlante,  
 Non tamen hunc terris rapiunt. Capitolia Cœli  
 Præcoci ad palmæ donum, senioque labanti  
 Gallorum proprios amor illi destinat annos.  
 Sed cum vincendo fessus tibi Martia tradet  
 Sceptra, Puer, solyma, Ægypto, Syriaque potitus,  
 Tu solis metire viam, patrijsque triumphis,  
 Post Thraces debellatos, intacta subito  
 Regna, sibi Macedo quondam quæ fleuit adempta,  
 Sic erit: Austriacæ soboles augusta Parentis,  
 Spe blanda pacis quæ conciliauit amorem,  
 Fœdere coniunget, quos miscet sanguine Reges,  
 Et quò nunc Aquilæ, mox Aurî flamma volabit  
 Thracis in excidium. Nec munera posco nepoti,  
 Quæ meritum vestra vna neget. Cum sceptrâ teneret  
 Europæ Mauors, adamante rigeat Olympus.  
 Hinc adeo extorquent quatuor post lustra parentes  
 Regalem sobolem: properent nunc munera, quando  
 Pax aperit Cœlum, mutataque sidera mulcet.  
 Pacis in auctorem, tuat ambitiosa, sororum  
 Progenies Charitum. Dixit, nutuque fauenti  
 Delphinum Gallis indulsit Curia Diuûm.  
 Intonuit læuûm, pertentant gaudia Cœlum:  
 Sidereus visus Delphin agitare Choreas,  
 Astrorum ducens acies, pars migrat in aurea  
 Lilia, tu vultum ferrugine Cynthia tingis,  
 Inuidiam Thracum, miserumque induta pauorem  
 Sed quæ regalis mentem vis fingat Alumni,  
 Infundens membris generosæ semina flammæ,  
 Ancipites dispar traxit sententia Diuos.

Pugna oritur mitis, Martemque amor efferus armat.  
 Certatim puri vitales ætheris auras  
 Insinuant, solisque faces; sed pectoris aulam  
 Quæ prior Imperio laus temperet, ambigit vna  
 Fatalis Diuûm: Iouis hic regnare sereni  
 Pacificos ignes, libræ cupit alter honorem,  
 Martius illum ardor stimulat: quæcumque recludunt  
 Debita magnanimis virtutes Regibus astra,  
 Deposcent florere suas in Principe laudes.  
 Candida cui cordi Pax est, mitisque puelli  
 Innocui arrident, secreti à sanguine mores,  
 Et sincera quies: Fidei consortia, dixit,  
 Æternum socient animos: felicia tellus  
 Fata cupit? nostri pax floreat hospita Regni.  
 Bellum Erebi soboles, patrium quæ ditat Auernum.  
 Lactant arma nefas, vitio stipendia quærunt.  
 Ceu quondam nostris animosa superbia regnis,  
 Stare tuis, Aquilo, pennis, soliumque locare  
 Ambijit, & patrio Numen depellere Cœlo:  
 Tum primum belli furor arsit, & agmina mille  
 Præcipiti depulsa ruunt ad Tartara lapsu.  
 Munera sed Pacis qui vult equare canendo,  
 Parnassi numeret quot vernant vertice flores,  
 Vnde suo Musæ circumdant tempora Regi.  
 Nunc illam Europæ rursus consuescere Cœlo  
 Delphini genitor iussit: redeunt sua Musis  
 Otia: sancta Fides, Probitas, quas ire per Vrbes,  
 Deiecto mestas belli furor impulit ore,  
 Festiuas plaudunt choreas, nec lumina frontis  
 Dissimulant: erectæ artes, Messæ vberè campos

Flaua Ceres hilarat, quæque olim sparsa cruore  
 Luxuriauit humus, nunc frugibus horrea ditat  
 Innocuis: en vt versat dum vomere glebas,  
 Rusticus insultat galeis, quas grata peredit  
 Rubigo. Nidum hic audax fabricabitur ales,  
 Bellicus agricolæ in falcem curuabitur ensis.  
 Hæc, Delphine, tui Genitoris munera pacem  
 Excipiunt; simili si duxeris indole mores,  
 Aurea, quæ vernant, te Principe sacra manebunt.  
 Deserat, cum qui recti iustique tenacem  
 Fingere amat puerum, post quàm illi plurimus ore  
 Hælit Auus, Patrijs insultat moribus, inquit.  
 Hunc Rupella, Frebo deducta Colonia, vidit  
 Custodem legum; cum sacrificæderis ultor,  
 Impulit extorres alijs succedere terris  
 Ofiores Latij fidei, quos illa ferarum  
 Lustra prius patrijs non sunt amplexa sub antris,  
 Sed nouus excepit pacis post fœdera nidus.  
 Perfidia, ac stygij Oranges prædonis asylum,  
 Arcibus ille tuis impresso insultat aratro.  
 Tu quoque sacrilegis partim viduate magistris  
 Mons Albane iaces, quodque armis vincere iura  
 Ausus es, & scenam in Martis mutare theatra,  
 Regius obsedit miles mucrone viarum  
 Angustos aditus, scelerique imponit habenas.  
 Sic premit exultans Iuuenis seruile catenis  
 Perfidia collum, & pietas mitissima ferrum  
 Exacuit: terret fontes properatus Auernus,  
 Quem parit ultoris vindicta æquissima Regis.  
 Hinc magis aurato iuuat ire ad sydera curru,

Hæreticos,  
 qui post fœ-  
 dus Rupellæ  
 se contulerāt,  
 vertere solum  
 coëgit.

Orangem di-  
 ruit.

Quam



Quam luctantem animum viuendo obtrudere Diti.  
 Atque adeo Latiam iam transfuga plurimus, ambit  
 Rursus inire fidem, quem Regis gratia blando  
 Illicio traxit; sed primam vindicis iram  
 Principis excepit Stygijs nunc missa cauernis  
 Hydra, venenatum pulchro quæ syrmate corpus  
 Integit, & furuis erectos crinibus angues  
 Cæsarie premit: huic scabra rubigine corpus  
 Strinxit liuor edax, miseris tremor occupat artus.  
 Gemmato pestem populis craterè natantem  
 Propinat: Diuina homines vt sceptrā tremiscant,  
 Astringit vultus, crudeliaque ora Tonanti.  
 Quot, veluti Scythica religatus rupe Prometheus,  
 Impliciti vinclis (sic asserit Hæresis Hydra)  
 Currere coguntur, celeresque laceessere ventos?  
 At quibus Æolidæ labor imminet, ardua rupis  
 Pars ad siderei montis portanda cacumen,  
 Hos nodis Numen non raro stringit ahenis.  
 Ni faciant; pestem, lethum; furiasque minatur,  
 Viuacesque Erebi flammās. Mezentius ergo  
 Mitis, & ingenium non est crudele Perilli.  
 Mugitus licet humanos, & viua suorum  
 Funera quæsierint; quis pœnas expetit vltor,  
 Principis Imperium seruus nisi viribus æquat?  
 Deficiant vires: Peccant auctoribus astris,  
 Quos onere immenso lex opprimit: his tamen Orcum  
 Diuini pietas mitissima destinat Agni.  
 Talia iactantem blanda sub imagine pestem,  
 Rex pius insequitur, ferroque atque ignibus vrget  
 Vlceris os: vidit flammis vlticibus haustos

Hæresis errores, hoc solum lumine dignos  
 Lutetia; extorris regno mox hydra faceffet,  
 Vertice multiplici quæ iam viduata, maligno  
 Vix collo fecunda regerminat, & face regis  
 Sæpius vsta, superbam ingloria protrahit aluum.  
 Hauriat omnem animo Proles imitata parentem;  
 Hinc odio sceleris, sancta hinc armabitur ira.  
 At qui regalem Pietati addidit honorem,  
 I puer, i quò te rapiunt exempla tuorum,  
 Dixit, quos pietas sacris altaribus auxit.  
 Patria te stimulis virtus propioribus urget,  
 Quam neque Sirenes, nec pestis blanda, voluptas  
 Inflexit: non ille hostes, non fulmina Martis;  
 Vmbram flagitij trepidat, floremque iuuentæ  
 Innocuum superis donat pietatis Alumnus.  
 Quid cum fulmineis alas donaret Fnyo  
 Agminibus, Iuuenum Mars exultantia corda  
 Spe blanda raperet, partisque assueta triumphis  
 Arma manu fugerent, inimicum haustura cruorem,  
 Stare agmen Princeps, sopirique imperat ignes,  
 Dum tectum Mystes Cereris subimagine Numen  
 Murmure fecundo patri's huc aduocet astris.  
 Sed Genitrix Theresa suis informet Alumnum  
 Moribus, Austriacæ Pietas cui Gloria gentis  
 Regia fidereis animauit pectora flammis.  
 Illam adeo, parui urgerent cum pondera Martis,  
 Mensis ab octauo tum quando caperat alter,  
 Cætibz inscripsit sacris Radegunda volentem.  
 Mox ardens prodire puer cum gestit in auras,  
 Ambit regali clamydi circumdare pannum,

Exercitum  
 consistere iu-  
 bet, dum Mis-  
 se sacrificium  
 peragitur.

Regiæ Pie-  
 tas.

D. Radegun-  
 dæ sacro cœ-  
 rui puerpe-  
 rio proxima  
 adscribitur

D. Francisci  
 patrum an-  
 dicit.

Quo

Quo sese diues Francisci vmbravit egestas,  
 Sideribus decoranda, & pulchro syrmate solis.  
 Tunc ostrum erubuit, doluitque superbia, gemmis  
 Pauperiem præstare suis, vel iudice Regno.  
 Singula complecti cupidum seges obruit ingens  
 Palmarum: petithic patrium florere pudorem  
 In sobole, huic facilis rapuit clementia mentem;  
 Blandaue certatim sibi poscunt agmina Regnum.  
 Omnia sed miscent Superi dum semina laudum,  
 Concolor euasit Patri puerilis imago,  
 Et fausta litem Ludouicus voce diremit.  
 Si patrem referat natus, felicia Regnum  
 Fata manent, nostrisque fauet victoria votis.  
 Quas etenim anteferam patrijs è laudibus? vna  
 Dotem alijs geminat, veluti rosa mixta ligustris.  
 Bellicus ast ardor cur non præcordia circum  
 Funditur, & cladem Thracum vigor igneus ambit?  
 Hoc etiam de Patre decus cape Martia proles.  
 Illum fulmineis Bellona exceperat vlnis,  
 Vberibusque suis admouerat: ergo paternis  
 Se puer immiscet bellis, & prodigus æui  
 Regalis, primos frontem denudat ad ictus.  
 Mænia quâ ducunt hostilia parte ruinam,  
 Irrumpit victor primis glomeratus in urbem.  
 Nec, si compefcit, quam spes exasperat, iram  
 Pacis amor, tædasque fugit Bellona iugales,  
 Iucundæ cessant furæ. Cur ludicra Martis  
 Vsque adeo arridet Regi simulacra cicere?  
 Desit arena: suos exultans flora Gradiuo  
 Concedit fines; talem Tolosa flagranti

Pater genitus  
 bello flagran-  
 te.

Per diruta  
 hostium mor-  
 tia inter pri-  
 mos urbem  
 inuadit.

Tolosa i n  
 horris lustrat  
 exercitum.

Campum aperit Regi, cui Martis castra viriles  
 Delicias pariunt, non segnis munera Floræ.  
 Hæc tibi perniciem intentant nutrita triumphis  
 Agmina, regnator Thracum, tibi destinat ictus  
 Progenies mea: tum Gallos ad bella sequemur  
 Siderei Herôes, nostris nunc Regia proles,  
 Auspicijs sancta deducat ab indole mores.  
 Nec procul alma dies, cum Gallica lilia campis  
 Regnabunt Syrijs: Arabum vos, aruaque Nili  
 Suspirant fuso Thracum lactanda cruore.  
 Vos olim è nostris Charites legere viretis,  
 Gallica siderei vt flores vexilla notarent.  
 Ducere fulmineas hinc vos ad bella phalanges  
 Iordanes vidit, Lybiæque calentis arenæ,  
 Certantes patrij regnum protendere Cæli.  
 Nec seruata semel trepidæ Capitolia Romæ,  
 Viderunt pulchris volitantia lilia signis,  
 Casuras Palmas, Latijque tuentia laurus:  
 Crescite: Defensi vos lactent munera Olympi.  
 Crescitis. En alius tua lilia mundus adorat,  
 Gallorum Princeps. Boreæ domus imminet oræ,  
 Quæ tua sceptrâ colit, magnamque excurret in Arcton  
 Hibernum Canadæ regnum, quod circuit vndis  
 Dulcibus Oceanus; sed opum stans mole suarum,  
 Aurea barbaricis nil debet Gallia regnis,  
 Mundique instar habet, quæ suggerit omnia, tellus.  
 Hæc vbi dicta, sibi quisque hunc deposcit honorem,  
 Vt qua luce redit sacras reuocatus ad aras,  
 Prodeat æthereas ortus Delphinus in auras.  
 Vicistis Diui, palmam neque victor ademit

Galli Rom.  
 Pontifices, &  
 Romani sæ-  
 pe tutati sūt.

Regnum No-  
 uæ Galliæ al-  
 luitur à lacu  
 immenso, cui  
 nomen Mare  
 dulce.

Nascitur di-  
cata Diuis  
omnibus lu-  
ce.

Optatam reliquis : communia gaudia mundi  
Nos hilarant; communem agitant dum sidera plausum.  
Nascere magne Puer, vires, alimentaue laudum  
Cui Cœli labor afflauit, sudantis Olympi  
Nascere non impar donum : tibi prodiga sese  
Porrigit in cunas Libani viuacior arbor.  
Iordanes vndam sancto properare lauacro  
Ambit, & infantem liquido perfundere Cœlo.  
Ast vtero egressum Charites famulantibus vlnis  
Excipiunt; en ambrosium per corpus odorem,  
Et Cylicum nimbos ducunt; sed Gratia frontis,  
Quæ micat in Pueri Genitrici concolor ore,  
Nutrices vincit Diuas : hinc fingere vultus,  
Et cupiunt ornare suos. Vt lumina Patrem  
Spirant, vt Genitrix pulcherrima viuut in ore!  
Vt lepor iram mulcet, & efferat ira leporem!  
Bellicus vt blando prodit se fulgure risus,  
Iam palmis inhians! Viden, vt cunabula Musæ  
Dum cingunt fertis, Infans gestire videtur,  
Vt Laurus iungant fertis, palmasque ligustris!  
Eueniet, Puer alme : tuos tunc nostra sonabit  
Calliope sacros plectro grauiore triumphos,  
Quæ nunc felicitis partus, quo tota superbit  
Gallia, & infueta captus dulcedine mundus,  
Atterit, ò nimium, properato carmine laudes.  
Sed rapuit me blandus amor, rursusque silentis  
Memnonis exoriens animauit marmora Phæbus.  
Non tamen Ætherci mentem vulgare Senatus  
Ausus, quasque ferant venientia sæcula palmas,

Ar-



Arguar vt falsus: certus mihi testis Apollo;  
 Et quæ signa monent, de te quid cogitet æther:  
 Fulminei calybes, quos Cælo ardere sereno  
 Intentos iugulo Thracum Germania vidit;  
 Motibus exultans tellus, ignita Veseui  
 Pyramis insultans astris, festoque fragore  
 Portendens Orbi felicia fata labanti:  
 Dædalei cineres, quos Numinis arte magistra  
 Pingere stemma Crucis mirata est proxima Siren:  
 Vosque adeo, vidit quos ætas nostra renatos  
 Centimani Briarei, & monstri forma bifrontis,  
 Quæ dudum ingrata mersam caligine mentem  
 Omine torfisistis dubio, nunc tollite vultum  
 Pulcra serenatam portenta hilarantia mentem.  
 Vos Puer absoluit, partu quem regia nuper  
 Explicuit fausto Genitrix: Delphinus, amores,  
 Deliciæque Orbis, Cœli præsaga fauentis  
 Prodigia impleuit: metuant sua funera Thraces,  
 Quando calybs ferale rubens exarsit in astris,  
 Præuius Heroi, quem Thracia fulminis instar  
 Horrebit luna: exultet concussa fragore  
 Insolito tellus, & sedibus excita, cursum  
 Regis in obsequium nitatur carpere Galli.  
 Piramis insultans astris, tibi Cynthia noctem  
 Offundat: Pueri sic olim signa volabunt,  
 Auræ quæ flammâ Diuorum ars dædala pinxit,  
 Strataque Otomanni per humum vexilla trahentur,  
 Quæ notat Odrisijs Phebe famulata bicornis.  
 Ambitiosa Crucis labarum victricibus armis

Agmina certatim inscribent, cum Regius Infans  
 Ornabit roseas prima lanugine malas.  
 Multiplici fecunda manu fuit edita proles,  
 Foedera portendens Regum, nam corpus in vnum  
 Celtiber, & Gallus, potorque Boristhenis acer,  
 Italus, & Rhenum pedibus qui caleat, acuto  
 Frigore concretum, nec Regia sceptrum perosus  
 Londini ciuis, dexteras miscebit amicas,  
 Et velut ex vno pendentia vertice membra,  
 Relligionis amor communem armabit in hostem.  
 Cresce Puer sanguis Diuum, felicius alter  
 Quo non vitales in luminis editus auras.  
 Militat augurijs tibi Numen, & astra cruentum  
 Sufficiunt hostis condendum in viscera ferrum.  
 Lactarunt lenta cupidam spe foedera mentem  
 Christiadam, iurata Canem nunc perdere Thracem,  
 Agmina miscebunt, quos iungis sanguine, Reges,  
 Fasciolas vexilla dabunt, patrijsque triumphis  
 Sedula te nutrix inuoluet: lilia vultu  
 Aurea ridenti cernens, mox brachia vinclis  
 Virgeri impatiens, iam tum volitare per auras  
 Signa Palæstinis cupies fulgentia campis,  
 Utque manus nodis, puerilia vota flagrabunt  
 Soluere, Libertas iacuit quo clausa, sepulcrum.  
 Ite triumphales generosa ad praelia turmae:  
 Pannonia, & quam vis animat Troiana renascens  
 Creta, laborantes pulchro vos Marte fatigent.  
 Cum virtus Regi fortes properauerit annos,  
 Vim pauido incutiet Turcae: spoliabitur ingens

Vrbs Constantinī, consuetaque frena recusans  
 Bosphorus ediscet Gallorum ambire catenas;  
 Sic tibi Sequanicis à Regibus aurea surgent  
 Fata, Fides, peperit Genitor cui Pace Triumphos,  
 Sacro Delphinus bello, Patris orsa sequutus,  
 Proferet Imperium rosei ad cunabula solis.

FINIS.

